

方以類聚

久漏瘡

丹溪謂漏瘡須先服補藥。以生氣血。蓂蓂木歸茸爲主。外以附子末唾和作餅如錢厚。艾炷灸。炷隨漏之大小。灸令微熱。不可令痛。乾則易之。

桂附丸治氣漏諸瘡。桂心附子炮裂米酢浸炮三
五次。去皮臍厚朴薑製粉草炙白朮各一兩。木香
二錢半。乳香研二錢。俱爲細末。煉蜜丸。桐子大。每
空心米飲下二三十粒。丹溪云。精要治冷漏諸瘡。

用桂附丸因思瘡久不合風冷乘之血氣不潮而成也厚朴雖溫其瀉衛尤速恐不若茯苓佐以陳皮庶乎與病情相得

○陷脉散治漏瘡及二三十年癭瘤大如盃盂久久不瘥致有漏潰骨肉消盡或堅或軟或潰令人驚惕卧寐不安體中掣痛愈而復作乾薑炮琥珀研大黃附子炮去皮各一兩丹礬七錢半石硫黃研白石英研鍾乳粉研烏賊骨研各半兩爲末貯以

斃合膏囊勿令泄氣瘡濕卽傳無汁煎豬脂和傳以乾爲度或死肌不消加芫消二兩一加胡燕窠一枚

○附子散治冷瘡日夜發歇疼痛附子半兩炮去皮臍川椒去目雄黃細研各二錢半白礬七錢半火煨研膩粉二錢研俱爲細末每用清麻油調傳瘡上

○雄黃散治冷瘡煖口雄黃研百合乳香黃蘗炙去

粗皮墻上爛白蜆殼小蚌蛤子是各一分俱爲細末研勻先用漿水煎甘草柳枝湯溫洗拭乾傳之

○黑靈散治漏瘡牡蠣粉號丹硫黃研各一分露蜂房二分同炒烟盡爲細末入髮灰一分麝香少許

和勻傳

○豬腎膏治諸瘡口氣冷不瘡豬筒骨二箇取髓松脂二錢通明者研乳香另研黃連去鬚爲末白芨研末各二錢半鉛丹別研黃蠟各半兩熔蠟和爲

膏不拘時傳

○神應膏治久漏瘡諸方不效及腸毒胃毒爲丸服之當歸一兩一錢赤芍藥大黃各一兩五錢香白芷官桂各一兩玄僊一兩三錢川續斷一兩二錢莪朮一兩生地黃一兩二錢俱細剉用真香油二斤浸春五日夏三日秋七日冬十日入鍋內以文武火煎令黑色濾去渣爇天用黃丹二十兩冷月十五兩旋下不住手攪試水中沉爲度忌婦人鷄

犬見漏有孔者以膏送入外攤貼之

痛

寒熱虛實。皆能爲痛。世謂乳沒。可以止痛。不知自有
活法。因熱而痛者。寒涼折其熱。則痛自止也。因寒而
痛者。溫熱熨其寒。則痛自止也。因風而痛者。除其風。
因濕而痛者。除其濕。燥而痛者。潤之。寒而痛者。通之。
虛而痛者。補之。實而痛者。瀉之。膿鬱閉者。開之。惡肉
侵者。引之。陰陽不和。調之。經絡滯澀。利之。憂愁者。遠
志酒飲之。虛寒而痛者。乳沒止之。大抵癰疽不可不

痛不可大痛。

乳香丸治發背及一切疽瘡潰爛痛不可忍乳香
別研沒藥別研羌活五靈脂獨活各三錢川芎當
歸真桑豆粉交趾桂川白芷白膠香各半兩爲細
末煉蜜丸彈子大每服一圓細嚼薄荷湯送下手
足損痛不能起者加草烏用木瓜鹽湯下

當歸和血散治瘡瘍未發出內痛不可忍及產前
產後腹痛當歸二錢乳香半錢沒藥一錢半白芍

藥三錢俱爲細末每一錢水一中盞煎七分和滓
溫服日二婦人酒煎旣發不用滓者加人蓂木香
婦人加赤芍藥

○廻瘡金銀花散治瘡瘍痛甚色變紫黑者金銀花
連枝葉俱剉研二兩黃芪四兩甘草一兩酒一升
同入壺瓶閉口重湯煮三兩時去滓頓服一方無
黃芪

○郭氏定痛托裏散治一切瘡腫疼痛不可忍少壯

氣充先用疎利後服此粟殼去蒂炒二兩當歸白芍藥川芎各半兩乳香沒藥桂各三錢每用五錢水煎服

○乳香止痛散治一切瘡腫疼痛不止粟殼六兩製白芷三兩甘草炙陳皮各一兩半乳香沒藥各一兩丁香半兩每用三錢水一盞半煎服

○人蔞內托散治瘡瘍潰膿而作痛者人蔞黃芪當歸川芎厚朴防風桔梗白芷官桂紫草木香甘草

糯米一撮水煎服

○乳香定痛散治一切瘡瘍潰爛疼痛乳香沒藥各五錢滑石寒水石各一兩冰片一錢俱爲細末擦患處痛卽止敷藥中加南星半夏能止痛加蓖麻仁尤佳

○黃芪人蔘湯治癰疽膿血大泄敗臭痛甚者人蔘蒼朮米泔浸炒白朮炒陳皮麥門冬去心當歸酒拌神麴炒甘草炙五味子杵各一錢黃芪炙二錢

黃檗炒升麻各四分水二鍾薑三片棗二枚煎入
分食遠服亦治潰後虛而發熱或作痛少寐者若
痛少止大便不實黃檗麥門冬可不用恐寒中也
凡瘡膿潰之後脉洪大則難治自利不治

○加味解毒湯治癰疽大痛不止黃芪鹽水拌炒黃
連炒黃芩炒黃檗炒連翹當歸酒拌各七分甘草
炙白芍藥梔子仁炒各一錢水二鍾煎八分服藥
下痛止脉洪大按之有力者用此其功甚捷如便

祕脉實而痛者宜內疎黃連湯下之潰而反痛者
宜內補黃芪湯補之

○乳香膏治諸瘡痛久不瘥乳香一兩別研食鹽松
脂杏仁去皮尖研各一兩半生地黃取汁三合白
牟腎脰脂半斤黃蠟三兩先熬脂令沸下杏仁地
黃汁蠟候蠟熔盡入香鹽松脂以柳筴攪令勻稀
稠得所磁盒盛傳瘡上日三二度

痛

內癰

中府隱痛肺疽。肉微起肺癰。巨闕隱痛心疽。肉微起
心癰。期門隱痛肝疽。肉微起肝癰。章門隱痛脾疽。肉
微起脾癰。京門隱痛腎疽。肉微起腎癰。中脘隱痛胃
疽。肉微起胃癰。天樞隱痛大腸疽。肉微起大腸癰。丹
田隱痛三焦疽。肉微起三焦癰。關元隱痛小腸疽。肉
微起小腸癰。丹溪謂內疽因飲食之毒。七情之火。相
鬱而發。射干湯主之。

○懷中丹治內癰有敗膿敗血腥穢殊甚致臍腹冷痛白芷單葉紅蜀葵花根各一兩白礬枯白芍藥各五錢俱研爲末銻黃蠟九梧子大每空心米湯下三十推臍下血後服十宣散補之忌發物

肺癰 病咳唾膿血其脉數實或口咳胸中隱隱痛脉反滑數者爲肺癰

○肺癰用綠橘葉洗搗絞汁一盞服吐出膿血愈○久嗽不愈肺積虛熱成癰欬出膿血曉夕不止喉